



BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: 05-29-2-3452/22
Sarajevo, 27.12.2022. godine

Na temelju članka 28. stavak (1) Zakona o međunarodnom i međuentitetskom cestovnom prijevozu („Službeni glasnik BiH“, br. 01/02 i 14/03), Ministarstvo komunikacija i prometa Bosne i Hercegovine objavljuje

OBAVJEŠTENJE

o pokretanju postupka raspodjele bilateralnih godišnjih dozvola za Francusku, Belgiju, Nizozemsku, Njemačku i Češku za 2023. godinu

Obavještavaju se prijevoznici iz Bosne i Hercegovine koji obavljaju međunarodni cestovni prijevoz robe da Ministarstvo komunikacija i prometa Bosne i Hercegovine (u daljnjem tekstu: Ministarstvo) pokreće postupak raspodjele bilateralnih godišnjih dozvola za 2023. godinu.

I. RASPODJELA BILATERALNIH GODIŠNJIH DOZVOLA

Ministarstvo, sukladno s bilateralnim sporazumima, pokreće postupak za raspodjelu bilateralnih godišnjih dozvola, kako slijedi:

- 1) 5 dozvola koje važe za prijevoz između Bosne i Hercegovine i Kraljevine Belgije;
- 2) 20 dozvola koje važe za prijevoz između Bosne i Hercegovine i Republike Francuske;
- 3) 15 dozvola koje važe za prijevoz između Bosne i Hercegovine i Kraljevine Nizozemske;
- 4) 50 dozvola koje važe za prijevoz između Bosne i Hercegovine i Češke Republike i
- 5) 100 dozvola koje važe za prijevoz između Bosne i Hercegovine i Savezne Republike Njemačke, minimum EKO-6 karakteristike.

Raspodjela godišnjih bilateralnih dozvola obavlja se na temelju kriterija iz članka 8. stavak (1) Pravilnika o CEMT dozvolama („Službeni glasnik BiH“, broj 46/21), a prema kontingentima dozvola koje Ministarstvo zaprimi od nadležnih tijela drugih zemalja.

II. ZAHTJEV I POTREBNA DOKUMENTACIJA

Prijevoznik koji je sudjelovao u postupku raspodjele CEMT dozvola za 2023. godinu dostavlja zahtjev za dodjelu bilateralnih godišnjih dozvola za 2023. godinu, a bodovanje prijevoznika obavlja se na temelju dokumentacije dostavljene uz zahtjev za dodjelu CEMT dozvola.

Prijevoznik koji nije sudjelovao u postupku raspodjele CEMT dozvola za 2023. godinu, uz zahtjev za dodjelu bilateralnih godišnjih dozvola za 2023. godinu, dužan je dostaviti dokumentaciju propisanu člankom 7. stavak (3) Pravilnika o CEMT dozvolama („Službeni glasnik BiH“, broj 46/21).

Sve informacije u vezi predmetnog postupka bit će objavljene na portalu www.transportnedozvole.gov.ba.

III. DOSTAVLJANJE ZAHTJEVA

Zahtjev za dodjelu bilateralnih godišnjih dozvola za 2023. godinu podnosi se najkasnije do 10. 1. 2023. godine, putem pošte, preporučeno, na adresu:

**Ministarstvo komunikacija i prometa BiH, Trg BiH 1, 71 000 Sarajevo
„Za raspodjelu bilateralnih godišnjih dozvola za 2023. godinu“**

Zahtjev podliježe plaćanju administrativne pristojbe u iznosu od 5,00 KM.



**ZAMJENIK MINISTRA
dr. Nedžad Branković**

Dostavljeno:

- www.mkt.gov.ba, www.transportnedozvole.gov.ba,
- 01, 02, 03, 04, 08, oglasna ploča,
- a/a.